



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKO VIJEĆE**

Broj: 01-_____/13

Datum: ____2019. godine

PRIJEDLOG

Na osnovu člana 13. Zakona o pripadnosti javnih prihoda u Federaciji Bosne i Hercegovine ("Službene novine Federacije BiH", broj 22/06 i 22/09), člana 13. Zakona o principima lokalne samouprave u Federaciji Bosne i Hercegovine ("Službene novine Federacije BiH" broj 49/06) i člana 14. Statuta Općine Tešanj ("Službeni glasnik Općine Tešanj" broj 11/07) Općinsko vijeće Tešanj na svojoj ____sjednici održanoj dana ____2019. godine donosi

ODLUKU

o dopuni Odluke o općinskim administrativnim taksama i naknadama

Član 1.

Ovom Odlukom vrše se dopuna Odluke o općinskim administrativnim taksama i naknadama ("Službeni glasnik Općine Tešanj" broj 1/14, 6/15, 2/16 i 8/17), tako što se član 7. dopunjuje sa stavom 5 koji glasi:

“Od plaćanja taksi iz Tarifnika broj 1. tačka 3. koja glasi “Zaključenje braka u toku radnog vremena” oslobođena su lica koja zaključuju brak srijedom (ukoliko je srijeda radni) u periodu od 12:00 do 16:00 sati u prostorijama Općine Tešanj, uključujući Urede Jelah i Tešanjka, uz uslov da jedno od lica ima prebivalište na području općine Tešanj.”

Član 2.

Ova odluka stupa na snagu 10 dana nakon objavljivanja u “Službenom glasniku Općine Tešanj”.

PREDSJEDAVAJUĆI VIJEĆA

Senad N. Subašić, dipl. ekonomista

OBRAZLOŽENJE

PRAVNI OSNOV

- član 13. Zakona o pripadnosti javnih prihoda u Federaciji Bosne i Hercegovine ("Službene novine Federacije BiH", broj: 22/06 i 22/09),
- član 13. Zakona o principima lokalne samouprave u Federaciji Bosne i Hercegovine ("Službene novine Federacije BiH" broj 49/06) i
- član 14. Statuta Općine Tešanj ("Službeni glasnik Općine Tešanj" broj 11/07).

RAZLOZI ZA DONOŠENJE

Uzimajući u obzir ciljeve Strategiju Općine Tešanj koji se odnose na podršku prije svega mladim ljudima u smislu zaključenja braka i formiranja porodice, predložena je navedena dopuna Odluke o taksama. Jedini uslov koji moraju ispuniti jeste da jedan od budućih supružnik ima prijavljeno prebivalište na području općine Tešanj.

Ovom dopunom je predviđeno oslobađanje plaćanja taksi za lica koja se odluče zaključiti brak u propisanom terminu (svake radne srijede u sedmici od 12.00 do 16.00 sati). Smatramo da će Općina Tešanj dodatno dati podršku prije svega mladim bračnim parovima, kao i drugim socijalno osjetljivim kategorijama društva. Možda to nije finansijski posebno značajno, ali je jasna podrška da općina Tešanj podržava sklašanje zakonskih brakova, formiranje porodice, kao i podršku natalitetu (stimulativne demografske mjere i podrška vanmateričnoj oplodnji). Za one koji su u dobrim ili izrazito dobrim materijalnim mogućnostima ostaju iste takse (u i izvan općine, kao i u drugim danima).

Predlažemo da Općinsko vijeće donese zaključak da nadležna komisija Općinskog vijeća utvrdi službeni prčišćeni tekst Odluke o administrativnim taksama i naknadama, uključujući i Tarifnik.


Na osnovu svega navedenog predloženo je Općinskom vijeću Tešanj donošenje ove Odluke.

Dostavljeno:

1. Općinsko vijeće
2. Arhiva


OBRAĐIVAČ:

Služba za boračko-invalidsku
zaštitu i opću upravu


Sabahudin Omerbašić



PREDLAGAČ:
OPĆINSKI NAČELNIK


mr. sci. Suad Huskić

Broj: 02-02-1-2669-11/13